

Idem die proportionaliter de laude divina. Si tamē actus in ratione signi attingunt immediate Deum ut signarum; sunt enim signa, & testimonia divinæ excellentiæ, quam sic honoramus, & nostræ subjectionis, qua nos ei submittimus.

Obj. S. Aug. in Enchyr. c. 3. dicit, quod Deus colitur spe, & charitate; atqui colere Deum pertinet ad Religionem: ergo. R. D. Ant. (Hic a. 5. ad 1.) Deus colitur fide, & imperativè, C. elicitive, N. Dicit itaque S. Aug. Deum coli fide, spe, & charitate, non quod Religio eliciat actus fidei, spei, & charitatis, sed quia vel eos imperat, vel ab eis imperatur. Cùm enim virtutes Theologicæ versentur circa finem, ipsi per se convenit per imperium movere virtutes operantes ea, quæ ordinantur ad illum finem, qualis est Religio. Per accidens autem ipsa Religio potest imperare actus virtutum Theologicarum, quatenus idonei sunt ad suum finem, nempe colendum Deum. Sic v. gr. Religio actum fidei imperando colit Deum; & summum ei defert honorem declarando eum esse primam veritatem.

Si dicas, esse proprium superioris imperare. R. 1. Id esse verum de imperio strictè sumpto, pro actu intellectus, seu rationis; non verò de imperio latè sumpto pro eo, quod est movere quocumque modo ad actum alterius virtutis, vel ejus implorare auxilium; sic enim subditi imperant suis heris; & sic quidam intelligunt imperium virtutis inferioris in superioribus. R. 2. Virtutem, quæ secundum se est alii inferior, poste per accidens, & secundum quid fieri eis superior ratione alicujus circumstantiæ, quam eis superaddit, sicut earum actus materialiter sumptos ordinare secundum hanc formalitatem superadditam ad suum finem, & consequenter eo imperare: v. gr. actus charitatis est secundum se superior omnibus virtutibus moralibus, nec ad nobiliorem finem potest imperari, seu ordinari cùm supremo modo attingat ultimum finem; per accidens tamē, puta, si fiat ex voto, subditur secundum hanc circumstantiam Religioni, & per eam ad suum finem dirigitur, ita quod omittens peccet contra Religionem; & licet id possit aliquantulò competere omnibus virtutibus, tribuitur tamē specialiter Religioni, & Justitiæ legali propter amplitudinem, & elevationem sui objecti.

Obj. 3. Religio non est virtus moralis, nec intellectualis: ergo. Theologica. Prob. Ant. Non est intellectualis, quia ejus perfectio non attenditur secundum considerationem veri; non moralis, cujus proprium est tenere medium inter superfluum, & diminutum; nemo enim potest superflue colere Deum, cùm sit major omni laude: ergo. R. D. ultimum assumptum; (Ibid. ad 3.) nemo potest colere Deum superflue secundum circumstantiam quanti, C. Secundum alias circumstantias, puta, quia cultus divinus exhibetur, cui non debet, ut in Idololatria; vel quando, & quomodo non debet, ut in variis aliis superstitionibus, N.

Obj. 4. Non est necesse ad rationem virtutis Theologicæ, quod habeat Deum pro immediato objecto quod: ergo, licet Religio, &c. Prob. Ant. Spes v. gr. non respicit immediate pro objecto quod Deum in se, sed assurancementem ejus, quæ est quid creatum: ergo. R. N. Ant. Ad probat. N. iterum Ant. & dico, quod assecutio se habeat ad objectum spei per modum conditionis tantum.

Inst. De ratione objecti spei est, quod sit arduum, & futurum; atqui Deus in se non est arduus, nec futurus; sed ejus assecutio est ardua, & futura: ergo. R. D. Maj. De ratione objecti spei est quod sit arduum, & futurum, ita ut tō arduum, & futurum sufficiat, quod se teneat ex parte objecti sperati, N. Ita ut sufficiat, quod se teneat ex parte subjecti sperantis, C. Aliis nemo potest sperare aliquid existens in rerum natura.

ARTICULUS III.

Utrum Religio præmineat inter virtutes morales?

Dico, Religio præmineat inter omnes virtutes morales. (Art. 6. o.) Prob. (Ibid.) Inter virtutes morales illa præmineat, quæ propinquius accedit ad Deum; atqui talis est Religio, si quidem operetur ea, quæ directè, & immediate ordinantur in honorem divinum: ergo. Prob. Maj. Ea, quæ sunt ad finem, sortiuntur bonitatem ex ordine in finem, & idè, quanto sunt propinquiora fini, tanto sunt meliora; atqui virtutes morales versantur circa ea, quæ ordinantur in Deum sicut in finem: ergo inter virtutes, &c. Nec obstat, quod S. Doctor supra q. 52. a. 12. doceat, justitiam legalem esse nobiliorem inter virtutes morales; & infra q. 161. a. 5. idem dicat de humilitate: etenim 1. loco loquitur de justitia legali comparative ad virtutes morales, quæ respiciunt bonum humanum, & naturale, non verò de illis, quæ respiciunt bonum divinum, & supernaturale, qualis est Religio, quæ res-

picit cultum divinum; 2. loco loquitur de humilitate comparative ad illas virtutes, quæ moderandis passionibus, non præciè regulandis operationibus, inserviant.

Obj. 1. Religio est pars justitiæ; sed pars est ignobilior toto: ergo. R. Minorum esse veram de parte propriè dicta, secus de parte potentiali, quæ dicitur pars lato sensu, & qualis est Religio respectu justitiæ. Illa autem præcellit huic & ratione objecti cui, quod est Deus, & ratione debiti, quod est strictius: (Ibid. ad 1.) Et licet deficiat ab æqualitate, inde tamē non minuitur ejus laus, quia laus virtutis in voluntate consistit, non in potestate.

Inferes ex solutione data: ergo actus Religionis est minus laudabilis, quam actus justitiæ. Prob. illatio. Est magis debitus ex dictis; atqui necessitas tollit laudem & gloriam, quanto enim aliquid fit ex majori necessitate, tanto minus est laudabile: ergo. R. N. Illationem: (Ibid.) ad Probat. D. Min. necessitas tollit laudem supererogationis, C. tollit merita virtutis, si adsit voluntas, N.

Obj. 2. Tanto donum, seu opus est laudabilius, quanto magis indigenti exhibetur; atqui Deus non indiget aliquid, quod ei a nobis exhibetur: ergo virtutes, quæ sunt ad homines indigentes, ut misericordia, præstant Religioni. R. D. Majorem: (Ibid. ad 2.) In his, quæ exhibentur aliis propter eorum utilitatem, C. quia tunc eo est utilius, quò fit magis indigenti; secus, N. Deo autem non exhibetur aliquid propter ejus utilitatem, sed propter nostram.

Obj. 3. 1. Reg. 15. Dicitur: *Melior est obedientia, quam victimæ*; atqui offerre victimas pertinet ad Religionem: ergo. R. (Infr. q. 104. art. 3. ad 1.) Sermonem ibi esse de actu exteriori occisionis victimæ, quæ non fit ex vera devotione, & obedientia: imò obedientia, quæ illic præponitur victimis, non est obedientia nuda, sed quæ procedit ex reverentia Dei, & Religione.

Obj. 4. Sicut Religio respicit honorem divinum conservandum, sic penitentia respicit eundem honorem læsum restaurandum; sed æquale est, imò majus, restaurare honorem læsum, quam eundem permanentem conservare: ergo. R. D. Majorem, tō sicut dicente aliqualem paritatem, C. omnimodam, N. In hoc ergo disparitas est, quod Religio formaliter, & per se exhibet Deo honorem; penitentia verò restituit honorem divinum læsum, non per se formaliter, & ratione sui, sed ratione charitatis adjunctæ, & satisfactionis Christi: per se autem id facit tantum dispositivè, & inchoativè.

ARTICULUS IV.

Utrum Religio habeat actus exteriores?

Dico: (Art. 7. o.) Religio, præter actus interiores, quos habet ut primarios, habet etiam exteriores ut secundarios, & ad interiores ordinatos. Prob. 1. (Ibid.) In divino cultu necesse est aliquibus corporalibus uti, ut eis quasi signis mens hominis exciteretur ad spirituales actus, quibus Deo conjungitur: ergo Religio præter, &c. Prob. ant. Actu Religionis reverentiam, & honorem Deo exhibemus, non propter ejus utilitatem, ut jam dictum est; est enim ex se ipso plenus gloria, cui nihil a creatura adjici potest, nisi denominatio extrinseca glorificati, & honorati, sed propter nostram utilitatem, quatenus per hoc quod Deum reveremur, mens nostra ei subjicitur, in quo ejus perfectio consistit. Quælibet enim res habens superiorem, perficitur per hoc, quod ei subdatur, sicut corpus per hoc, quod subjicitur animæ, & per eam vivificetur, aër per hoc, quod illuminetur a sole; atqui mens humana indiget in hac vita ad hoc, quod conjungatur Deo, sensibilibus manuductione; quia *invisibilia Dei per ea, quæ facta sunt, intellecta conspiciuntur*. Rom. 1. ergo in divino cultu, &c. Confirmatur. Homo constat corpore & anima: ergo necesse est, ut utraque parte Deo serviat, sicut canere possit cum Propheta: *Cor meum, & caro mea exultaverunt in Deum vivum*. Prob. 2. Ex praxi omnium sæculorum, fundata in Scripturis. 1. Ex tot caeremoniis legalibus, in veteri Testamento præceptis. 2. Ex variis locis novi Testamenti, Act. 2. Paulus *Positis genibus suis orabat*. Similiter Stephanus Act. 7. & Petrus Act. 9. Imò ipse Christus Luc. 22. *Positis genibus orabat*: & ex Matth. 26. liquet ipsum adhibuisse orationem vocalem, dum dicitur: *Hymno dicto exierunt in montem*. Et alibi. Hic mirare, secretarios, qui, Manichæorum exempla secuti, cultum nostrum exteriorum videntur abominari, dum ipsi sine aliquo ritu exteriori Religionem suam non exercent. Etenim pectus tundunt, oculos in Cælum erigunt, Psalmos cantant, variasque alias caeremonias adhibent, & tamē templa

tunc enim ab eadem virtute eliciuntur, ac Internus, median- te quo producuntur.

Ad rationem oppositam R. Actum exteriorē Religionis considerandum esse dupliciter: activè, prout est actio, seu activa exhibitio cultus, & passivè, prout est ipse cultus exhibitus: sicut furari v. gr. potest considerari activè, prout est activa ablatio rei alienæ; & passivè, prout est res aliena ablata. 1. modo consideratus cultus exterior est actus elicitus a Religione, 2. modo est materia circa quam & objectum Religionis.

Petes 2. (Art. 8. o.) Utrum Religio differat a sanctitate?

Non est quæstio de sanctitate, quæ habetur per infusionem gratiæ justificantis, sed de sanctitate, prout est virtus. (Ibid.) Hoc nomen duo importat, munditiam & firmitatem. Unde sanctus græcè *Agios* quasi sine terra, & latine sanctus quasi sanctus, & lege firmatus; & utrumque scilicet munditia & firmitas requiritur ad sanctitatem; munditia, ut mens ab inferioribus, quibus coinquinatur, abstracta, applicetur Deo; firmitas, ut Deo ultimo fini, primo principio immobiliter adherat. (Ibid.) Est enim sanctitas *Virtus, per quam mens hominis se ipsam & suos actus applicat Deo*.

Ad Quæstionem R. (Ib.) Religionem non differre a sanctitate, nisi ratione. Quia Religio dicitur secundum quod exhibet Deo debitum famularum in his, quæ pertinent ad cultum Divinum, sicut in sacrificiis & oblationibus, & aliis hujusmodi: sanctitas autem dicitur, secundum quod homo non solum hæc, sed & aliorum virtutum opera imperat & refert ad Deum; vel secundum quod homo se disponit per bona quadam opera ad cultum Divinum: quæ duo, non re, sed solum ratione differunt.

nostra, & altaria everterunt, sacrificia cum omni cultu sustulerunt, & varia hujusmodi. Verùm dicant, quo fundamentum iste eorum cultus sit admittendus, & nosster rejiciendus: si aliquis, cur non omnis? Opponent quædam Scripturæ testimonia: Joann. 4. *Deus spiritus est, & eos, qui adorant eum, in spiritu & veritate adorare oportet*. Act. 17. *Deus non in manufactis templis habitat, aut manibus humanis colitur*. Sed & militant pariter contra ipsos.

Insuper R. ad 1. (Ib.) Christum illic loqui tantum ad id, quod est principale & per se intentum in cultu Divino, nempe actum interiorem, sine quo non est verus cultus exterior. Ad 2. dico, Apostolum se ipsum explicasse addens, *indigens aliquo*. Adeoque sensus est, Deum non coli cultu exteriori ex indigentia, ut dixi supra. Si reponas Christum nos liberasse a iugo caeremoniarum Judaicarum, fa- teor; sed non idcirco sustulit omnem cultum externum, nec caeremonias, quas vel ipsa ratio naturalis, vel leges sive Divinæ, sive Humanæ instituant, ut patet ex 2. probatione Conclusionis.

Petes 1. Utrum illi actus exteriores sint elicit ab ipsa Religione? Videtur, quod non; quia sunt materia circa quam & objectum ipsius Religionis & actuum ejus interiorum. Actus autem elicitus alicujus virtutis distinguitur ab ejus materia & objecto. Propter hanc rationem Suarez & Becanus contendunt, nullum alium esse actum Religionis elicitum, nisi ipsam voluntatem, seu effectum colendi Deum. R. Nilominus hos actus exteriores, ut sacrificare, adorare, &c. esse actus elicitos a Religione, si quidem ad nullam aliam speciem virtutis pertineant. Nec refert, quod fiat mediante actu interiori: id quidem facit, ut dicantur mediant quoad effectum, non autem ut sint imperati, si aliunde eandem speciem cum interiori recipiant;

DISSERTATIO II.
DE ACTIBUS INTERIORIBUS RELIGIONIS
QUI SUNT
DEVOTIO, ET ORATIO.
Div. Thom. QQ. 82. & 83.

ARTICULUS I.

De Devotione.

Dico 1. Devotio dicitur a devovendo. (Q. 82. art. 1. o.) Undè devoti dicuntur, qui se ipsos quodam modo Deo devoverunt, ut ei se totaliter subdant. Propter quod & olim apud Gentiles devoti dicebantur, qui se ipsos Idolis devoverant in mortem pro salute sui exercitūs, sicut de duobus Decis Titus Livius narrat l. 8. decad. 1. Non itaque sumitur hic Devotio pro fervore delectante, qui sentitur interdum in oratione, de quo S. Doct. art. 4. (Ib.) sed est *Quædam actualis voluntas promptè tradendi se ad ea, quæ pertinent ad Dei famularum, sive faciendi ea, quæ pertinent ad cultum Divinum*. Undè patet, quod non sit modus, aut qualitas, sed specialis actus voluntatis. Illa enim promptitudo, quæ est modus, importatur tantum de connotato in actu devotionis.

Dico 2. Devotio est actus Religionis (Art. 2. o.) Quia ad eandem virtutem pertinet facere aliquid, & promptam voluntatem habere ad illud faciendum; est enim utriusque actus idem formale objectum; atqui operari, quæ pertinent ad divinum cultum, pertinet propriè ad Religionem: ergo etiam ad eam pertinet habere promptam voluntatem ad hujusmodi exequenda, quod est esse devotum.

Dices per Religionem homo ordinatur ad solum Deum; atqui devotio habetur etiam ad homines, dicuntur enim aliqui esse devoti aliquibus Sanctis; & etiam subditi dicuntur esse devoti dominis suis, sicut Leo Papa dicit, quod Judæi erant devoti Romanis Legibus: ergo. R. ad minorem: (Ib. ad 3. o.) Quod devotio, quæ habetur ad Sanctos mortuos vel vivos, si strictè sumatur, prout est actus Religionis, non terminetur ad ipsos, sed transeat ad Deum, in quantum scilicet in Ministris Dei, in quibus specialiter relucet ejus magnitudo, Deum ipsum veneramur. Devotio au-

Theol. Billuani. Secunda Secundæ.

tum, quam subditi dicuntur habere ad dominos temporales, est alterius rationis, nempe politica & civilis; sicut & famularum, quem ipsis exhibent.

Dico 3. (Art. 3. o.) Causa extrinseca & principalis devotionis est ipse Deus, qui auxilio gratiæ suæ voluntatem promptam illi serviendi inspirat. Causa intrinseca est contemplatio, seu meditatio partim divinæ bonitatis & beneficiorum ejus, partim nostræ infirmitatis; omnis enim actus voluntatis ex aliqua consideratione provenit. Prior consideratio excitat dilectionem, quæ est proxima causa devotionis. Altera excludit presumptionem, per quam aliquis impeditur, ne Deo se subjiciat, dum suæ virtutis innititur.

Porro, (Ib. ad 2.) licet ea, quæ sunt Divinitatis, sint secundum se maxime excitantia dilectionem & per consequens devotionem, quia Deus est super omnia diligendus; attamen ex debilitate mentis humanæ fit, quod, sicut indiget manuductione ad cognitionem divinorum, ita & ad dilectionem per aliqua sensibilia nobis, nota, inter quæ præcipuum est humanitas Christi; & idè, quæ pertinent ad humanitatem Christi, per modum cujusdam manuductionis maxime devotionem excitant. Id sedulo advertant, inquit hic Sylvius, conscientiarum moderatores, seu patres spirituales, maxime in dirigendo devoto femineo sexu, quem idè assuescitur operum Christi meditationi magis convenit, quam subditi Divinitatis contemplationi.

Dico 4. Effectus primarius & per se devotionis est lætitia. Secundarius & per accidens tristitia. (Art. 4. o.) Ratio est; quia devotio principaliter procedit ex consideratione divinæ bonitatis & beneficiorum ejus, ut dictum est: ex ista autem consideratione per se quidem sequitur delectatio, juxta illud Ps. 76. *Memor sui Dei, & delectatus sum*: per accidens tristitia, quod mirum adhuc peregrinemur a Domino, & tantis ejus beneficiis sumus ingrati. Secundario verò devotio procedit ex consideratione nostræ infirmitatis, quæ nata est per se causare

